

## Nr 8

**Staatâräädi asättâs****kuáskimij puásuituáluun tovâttâm vahâgij sajanmáksimist**

Adelum Helssigist 3 peeivi uddâivemáánu 2002

Staatâräädi miárádâs miáldásávt, mii lii toohum pirásministeriö oovdânpyehtim vuáduld, asáttuvoo staatâ budjetist 13 peeivi vyesimáánu 1988 adelum laavâ (423/1988) 7 c § 1 moomeent vuáduld, tagarin ko tot lii laavâst 689/2001:

## 1 §

*Heiviittensyergi*

Kuáskimij puásuituáluun tovâttâm vaahâg puásuitipšomlaavâst (848/1990) uáivildum puásuitipšomkuávlust sajanmáksoo staatâ budjet mieldi staatâ vaarijn ton náálá ko taan asáttâsâst asáttuvvoo.

## 2 §

*Sajanmáávsu aggâ*

Sajanmáksu vuáduduvá kuáskimij ravâdâssân koddám poccui árvuštállum miáránu (*rekinistum vaahâg*). Sajanmáksu miárášuvá kuáskimij pessimtilálâšvuodâ já toi čivgâmere vuáduld rekinistum reviiirikuáhtásii kiárduttâs mieldi.

## 3 §

*Sajanmáávsu meeri*

Sajanmáávsu ruttámeeri vuáduduvá rekinistum vaahâg áárvun kiárdutmáin 2 momentist, 4 § 2 momentist tai 5 § 1 momentist uáivildum kiárduttâssáin. Rekinistum vaahâg árvu kiárduttâssáin ohtâ lii 549 eurod.

Reviirikuáhtásâš kiárduttâs eres ko 4 §:st mainâšum palgâsij vijdoduvvâst kuáskim aassum

reviirist lii ohtâ. Jis kuáskim aassum reviiri pyevtit čivgâid, kiárduttâs lii kuittâg kulmâ.

## 4 §

*Aledum kiárduttâs*

Taan ceehist uáivildum aledum kiárduttâssáin váldoo uáinun poccuu stuárráb uási kuáskim ravâdâsâst 3 momentist mainâšum palgâsij vijdoduvvâst.

Aledum kiárduttâs kuáskim aassum reviirist lii kyehti. Jis kuáskim aassum reviiri pyevtit čivgâid, lii kiárduttâs kuittâg vittâ.

Aledum kiárduttâs kiávttoo rekinistittijn sajanmáávsu mere čuávuvâš palgâsij vijdoduvvâin orroo kuáskim reviirijn:

- 1) Pánuudâr,
- 2) Avveel,
- 3) Kaalduáivi,
- 4) Kyrö,
- 5) Kietâruotâs,
- 6) Säämi,
- 7) Mudusjávri,
- 8) Myedhitudâr,
- 9) Näkkäl,
- 10) Njiávdám,
- 11) Páčvei,
- 12) Paištuodâr,
- 13) Sallivääri,
- 14) Vääččir.

## 5 §

*Sajanmáksu rájikuávlust*

Reviirikuáhtásáš kiärduttâs Suomâ já nube riijkâ räáji kuábbáá-uvbel ollee reviihist, mast orroo pier-vâl lii nube riijkâ pelni, lii 4 §:st mainâšum palgâsij uásild ain kyehti já eres palgâsij uásild ain ohtâ.

Puásuutipšomkuávlvlu räáji máddáábel ollee kuáskim reviihist máksoo uásálâš sajanmáksu.

## 6 §

*Sajanmáávsu máksim palgâsáid*

Sajanmáksu máksoo palgâsáid puohâin 3, 4 tâi 5 §:st uáivildum kuáskim reviirijn, moh láá palgâs siskiibeln.

Reviirikuáhtásáš sajanmáksu juáhho palgâsij kooská, jis reviiiri kuáskimeh kevttih ravádâssân poccuid maanġâ palgâs siskiibeln. Jis reviiiri lii mottoom uásild 4 § 3 momentist uáivildum palgâs siskiibeln, rekinistoo sajanmáksu kevttimâin 4 § 1 momentist uáivildum kiärduttâs ubâ reviiiri uásild.

Laapi pirâskuávdáš meerrid sajanmáávsuin já máksá sajanmáávsuid palgâsáid pirâsministeriö tade várás čujottum vaarijn. Sajanmáksu máksoo ihásávt majemustáá roovvâdmáánu 31 peeivi räi.

Helssigist 3 peeivi uddâivemáánu 2002

Pirâsministeri *Satu Hassi*

## 7 §

*Sajanmáksu vittádum poccuin*

Paalgâs máksá sajanmáksuruudâin poccuu omâsteijee vátamuš mieldi sunjin sajanmáávsu vittádum poccust, maid kuáskim lii koddám, teikkâ ton lii karttâm koddeđ kuáskim tovâttâm vaahâg tiet.

## 8 §

*Čielgiittäseh já täärhistmeh*

Meccihaldâttâs čielgee ihásávt kuáskimij pessimtilálâšvuodâ já čivġäpyevtittem 3 § 1 momentist uáivildum reviiirikuáhtásij kiärduttâsâi rekinistim várás sehe čielgee já táárbu mield árvuštâl nube riijkâ siskiipiälái Suomâ räáji aldasijn orroo reviiirj lohomere.

Táárbu mield Meccihaldâttâs puáhtá poccuu omâsteijee táttum maġa ornid vaahâgsajan meccitarkkum vittádum poccuu jámmimsuuġá visâsmitmân.

## 9 §

*Vuáimánpuáttim*

Taat asâttâs puátá vuáimán 15 peeivi uddâivemáánu 2002. Tain asâttâssáin komettuvvo-jeh kuáskimij puásuítuáluŋ tovâttâm vahâġij sajanmáksimist 18 peeivi njuhčâmáánu 1999 adelum staatâräädi miäradâs (373/1999) toos maġa toohum nubâstusâġijn.

Haldâttâhneuvos Hannu Karjalainen